

AUGLÝSING

um mat á umsóknum um leyfi til að kalla sig verkfræðing.

Iðnaðarráðuneytið og Verkfræðingafélag Íslands (VFÍ) hafa komið sér saman um að miða við eftirfarandi reglur við mat á umsóknum um leyfi til að kalla sig verkfræðing, sbr. 1.-3. gr. laga nr. 8/1996 um löggildingu nokkurra starfsheita sérfræðinga í tækni- og hönnunargreinum eins og þeim hefur verið breytt.

Mat menntamálanefndar VFÍ byggist á kröfum félagsins til menntunar umsækjenda. Menntamálanefnd skal mæla með því að umsækjandi fái leyfi ráðherra til að kalla sig verkfræðing ef eftirfarandi skilyrðum er fullnægt:

Lokið er með prófgráðu námi við háskóla eða tækniháskóla sem menntamálanefnd telur færar (færa) um að veita fullnægjandi menntun á viðkomandi sérsviði. Prófgráðan skal að námslengd og samsetningu vera sambærileg meistaraþrófi í verkfræði og fullnægja eftirfarandi lágmarkskröfum VFÍ (hver eining svarar til einnar viku í fullu námi):

a)	Undirstöðugreinar verkfræðinnar	25e
b)	Verkfræðilegar undirstöðugreinar	25e
c)	Verkfræðigreinar	60e

Þessu til viðbótar skulu vera námsgreinar að frjálsum vali sem talist geta til verkfræðináms og skulu þær vera hluti af heilsteypu námi og heildarlengd námsins, skipulagt á formlegan hátt, eigi styttra en fjögur og hálf ár.

Almennt teljast eftirtaldir námstitlar fullnægja framangreindum skilyrðum ef allt námið hefur verið stundað við háskóla eða tækniháskóla. (Listi þessi er einungis birtur til leiðbeiningar. Í öllum tilvikum þarf námið að fullnægja framangreindum kröfum):

Land	Námstitill	Athugasemdir
Ísland	MS próf í verkfræði	
Danmörk	Civilingeniør	Ekki Teknikumingeniør, Akademiingeniør eða Diplomingeniør
Finnland	Diplomi-insinööri	Ekki Insinööri
Noregur	Sivilingeniør	Ekki Ingeniør
Svíþjóð	Civilingenjör	
Austurríki	Diplom-Ingenieur	
Belgía	Ingénieur Civil Ingénieur Chimiste ...	Ekki Ingénieur Industriel
Bretland	MSc in Engineering	
Frakkland	Ingénieur Diplômé de ...	
Grikkland	Diplomatouchos Michanikos	
Holland	Ingenieur	Ekki Technical Ingenieur
Írland	MSc in Engineering	
Ítalía	Laurea Dottore in Ingegneria	
Portúgal	Engenheiro	
Sviss	Diplom-Ingenieur Ingénieur Diplômé	
Spánn	Ingeniero Superior Ingeniero Químico	Ekki Ingeniero Técnico
Þýskaland	Diplom-Ingenieur	Prófgráða skal vera frá Universität, Technische Universität, Technische Hochschule eða Gesamt hochschule, en ekki Fachhochschule (Dipl.-Ing.(FH))
Bandaríkin	MSc in Engineering Einnig MEng, ME eða ScM	Námsbraut skal hafa viðurkenningu ABET (Accreditation Board for Engineering and Technology)

Ákvæði til bráðabirgða.

Þeir sem innritast hafa í verkfræðinám fyrir 1. janúar árið 2000 og stunda nám sitt samfellt eiga þess kost að fá próf sitt metið eftir þeim matsreglum sem í gildi voru frá 26. ágúst 1992 og fram að gildistöku þeirra matsreglna sem hér eru auglýstar.

Iðnaðarráðuneytinu, 8. desember 1999.

Finnur Ingólfsson.

Jón Ögmundur Þormóðsson.

10. desember 1999

Nr. 846

AUGLÝSING**frá ríkisskattstjóra nr. 14/1999 um framlengingu á fresti skattstjóra til að afgreiða kærur vegna álagningar opinberra gjalda einstaklinga.**

Með vísan til 118. gr. laga nr. 75/1981, um tekjuskatt og eignarskatt, hefur ríkisskattstjóri ákveðið að breyta tímamarki því sem skattstjórum er sett, sbr. 99. gr. sömu laga, til að úrskurða kærur sem bárust vegna þeirrar álagningar opinberra gjalda er lauk 30. júlí 1999.

Skattstjórar skulu hafa lokið við að úrskurða kærur vegna álagningar gjalda á tekjur ársins 1998 og eigna í lok þess árs 24. janúar 2000 í stað 22. desember 1999.

Reykjavík, 10. desember 1999.

F.h. ríkisskattstjóra,

Friðleifur Jóhannsson.

29. nóvember 1999

Nr. 847

SAMÞYKKT**um hesthús og hesthúsaferfi í Reykjavík.**

1. gr.

Hesthús og þær byggingar sem þeim tilheyra skulu byggð og viðhaldið samkvæmt ákvæðum skipulags- og byggingarlaga nr. 73/1997 með síðari breytingum svo og samkvæmt ákvæðum skipulagsreglugerðar nr. 400/1998 og byggingarreglugerðar nr. 441/1998 með síðari breytingum. Vanda skal til alls frágangs húsanna, geymslu á heybirgðum og öðru því er lýtur að hirðingu hestanna.

2. gr.

Umhverfi hesthúsa skal halda þrífalegu og frágangur lóðar vera snyrtilegur. Gerði skulu malborin og þau girt vönduðum girðingum. Á hesthúsalóðum er óheimilt að geyma bifreiðar, dráttarvélar, heyvinnslutæki, byggingarefni, heyrúllur, heybagga og aðra lausamuni.

3. gr.

Lausaganga hesta er bönnuð. Eigendur hesthúsa bera ábyrgð á leigjendum sínum hvað varðar alla umgengi í hesthúsaferfum og við hesthús.